

दिनांक 26.10.2025
समय: 18.45 बजे
आकाशवाणी जयपुर-अजमेर

प्रादेशिक समाचार

- प्रधानमंत्री नरेन्द्र मोदी जीएसटी बचत उत्सव ने ले र लोगों मांय उच्छास माथे खुशी जतायी—कह्यो बाजारां मांय स्वदेशी सामानां री खरीदारी तेजी सूं बधी है।
- आकाशवाणी सूं प्रसारित होवण वाळा **मन की बात कार्यक्रम** मांय बोलता थकां प्रधानमंत्री कह्यो की **ऑपरेशन सिन्दूर** हर भारतीय ने गौरवान्वित कर्यो है।
- मुख्यमंत्री भजन लाल शर्मा प्रदेश रे युवावां सूं स्वरोजगार अपणाणे रो हेलो कर्यो।
- बारां जिला री अंता विधानसभा सीट माथे होवण वाळा उप-चुनाव खातिर मतदाता जागरूकता अभियान जोरां माथे— नाम वापिसी री आखिरी तारीख काले।

.....

प्रधानमंत्री नरेन्द्र मोदी ने वस्तु अर सेवा कर—जीएसटी बचत उत्सव ने ले र लोगों मांय उच्छास खुशी जतायी है। वणा आज आकाशवाणी सूं **मन की बात** कार्यक्रम मांय त्यौहारां रे चालता देशवासियां रे नाम आप रे पाने रो जिकर कर्यो। प्रधानमंत्री कह्यो कि वाणी अरज सूं बाजारां मांय स्वदेशी सामानां री खरीदारी जबरदस्त तरीके सूं बधी है।

.....

प्रधानमंत्री नरेन्द्र मोदी ने कह्यो है कि छठ महापर्व संस्कृति, प्रकृति अर समाज रे बीचे री गहरी एकता रो प्रतीक है। आकाशवाणी सूं मन की बात कार्यक्रम मांय आज प्रधानमंत्री ने कह्यो की समाज रो प्रत्येक वर्ग छठ घाटां माथे एक साथ आ र भारत री सामाजिक एकता रो सबसे सुंदर उदाहरण पेश कर्यो है।

.....

सरदार वल्लभभाई पटेल री जयंती 31 अक्टूबर ने मनायी जावेली। श्री मोदी कह्यो कि इण मौके माथे हर बरस गुजरात रे एकता नगर मांय 'स्टैच्यू ऑफ यूनिटी' रे कने खास जळसो राख्यो जावे है। वणा सगळा सूं रन फॉर यूनिटी मांय भाग लेवण रो हेलो कर्यो।

.....

श्री मोदी कह्यो के ऑपरेशन सिंदूर हर भारतीय ने गौरवान्वित कर्यो है। इण बार वा इलाकां मांय भी खुशियां रा दीप जलाया गया जठे कदे माओवादी आतंक रो अंधेरो छाये रहतो हो। प्रधानमंत्री स्वच्छता रो प्रयासां सूं जुड़योड़ा देश रा न्यारा-न्यारा शहरां री कुछ प्रेरक कहाणियां रो उल्लेख कर्यो। प्रधानमंत्री भारत रे राष्ट्रीय गीत -वंदे मातरम की चर्चा करी। वणा कह्यो कही आ देशभक्ति शब्दां सूं परे एक भावना है। 7 नवंबर ने आपा 'वन्देमातरम' रे 150 वे उत्सव मांय प्रवेश करण वाळा हा। श्री मोदी सगळां सूं वंदे मातरम महिमामंडन रे खातिर जतन कर ने अर हैशटैग वंदेमातरम 150 रे साथै सुझाव भेजणे रो हेलो कह्यो। प्रधानमंत्री रे **मन की बात कार्यक्रम** ने ले र प्रदेशभर में उत्साह निज़र आयो। मुख्यमंत्री भजन लाल शर्मा जयपुर रा सवाईमानसिंह स्टेडियम मांय इण्डोर हॉल मांय **मन की बात कार्यक्रम** ने सुण्यो।

मुख्यमंत्री कह्यो के प्रधानमंत्री नरेन्द्र मोदी **एक पेड़ मां के नाम अभियान** सूं प्रेरित हो र राज्य सरकार हरियाळा राजस्थान अभियान चला री है। इण अभियान मांय एक बरस मांय 11 करोड़ 61 लाख सूं बत्ती पेड़ लगाया गया है। इण ने चालता उद्योग मंत्री कर्नल राज्यवर्धन सिंह राठौड़, उद्योग राज्य मंत्री के.के. विश्नोई समेत केई जनप्रतिनिधि अर आमजन मौजूद रह्या। बहरोड़ मांय केन्द्रीय मंत्री भूपेन्द्र यादव कार्यकर्तावां रे साथे प्रसारण सुण्यो। वठिने चौमू मांय उपमुख्यमंत्री दीया कुमारी अर उपमुख्यमंत्री डॉ. प्रेमचंद बैरवा कार्यकर्तावां रे साथे **मन की बात कार्यक्रम** सुण्यो। पाली, चूरू समेत केई जिलां मांय भी मन की बात कार्यक्रम ने सुण्यो गयो।

.....

मुख्यमंत्री भजनलाल शर्मा कह्यो के सरदार वल्लभ भाई पटेल आप री दृढ़ इच्छाशक्ति सूं राष्ट्र रो पुनर्निर्माण कर्यो अर बिखरे व्ह्या भारत ने एकता रा सूत्र मांय पिरोयो। श्री शर्मा आज जयपुर मांय सरदार वल्लभ भाई पटेल री आवती 150 वी जयंती माथे राख्या जावण वाळा कार्यक्रमं रे बारा मांय कार्यशाला ने सम्बोधित करता थकां आ बात कही।

वणा कह्यो की 31 अक्टूबर सूं 25 नवंबर ताई सगळा जिलां मांय 3 दिनां ताई 8 सूं 10 किमी लंबी पदयात्रा राखी जावेली। इण रे चलता **एक जिला-एक खेल योजना** रे तैत हर जिला मांय स्थानीय प्रचलित खेल रा आयोजन कर्यो जावेला। श्री शर्मा राज्य सरकार री उपलब्धियां रो जिक करता थकां कह्यो की युवावां ने रोजगार देवण री दिशा मांय बेगो-बेगो ही काम कर्यो जा रह्यो है।

.....

लोकसभा अध्यक्ष ओम बिरला आज कोटा-बूंदी संसदीय खेतर रे प्रवास पर रह्या। वणा शक्ति नगर कैप कार्यालय माथे जणसुनवाई कर लोगां री समस्यावां ने सुण्यो अर अहलकारां ने मौके माथे वां ने निस्तारित करणे रा हुकम दिया। वणा खबरनवीसां सूं बातचीत करता थकां कह्यो की कोटा ने पर्यटन सिटी बणाणे ने ले र उच्च स्तर माथे जतन कर्या जा रह्या है। इण ने ले र सगळा ने मिल र काम करणो व्हेला।

.....

बारां जिला री अंता विधानसभा सीट माथे होवण वाळा उप-चुनाव खातिर मतदाता जागरूकता अभियान जोर पकडन लाग्यो है। निर्वाचन महकमो बत्ती सूं बत्ती मतदातावां ने वोट देवण खातिर प्रेरित करणे रे वास्ते प्रचार-प्रसार रे साथै सेल्फी बूथ थापित कर्या है। निर्वाचन अहलकार रोहिताश्व सिंह तोमर रे निर्देशन मांय चलाया जा रह्या **स्वीप कार्यक्रम** रे तैत जिलेभर मांय लगोतार जागरूकता गतिविधियाँ राखी जा री है। सार्वजनिक जगावां माथे प्रेरणादायक स्लोगन लिखवाया गया है। वठिने चुणाव रा **शुभंकर 'मतू'** रो कटआउट भी लोगां रो ध्यान आकर्षित कर रह्यो है। ध्यानजोग है कि नाम पाछो लेवण री आखिरी तारीख 27 अक्टूबर है। इण रे पाछे ई प्रत्याशियां री सांची स्थिति साफ हो सकेली। उपचुनाव खातर मतदान 11 नवम्बर ने व्हेला अर मतगणना 14 नवम्बर ने करी जावेली।

.....

प्रदेश मांय घणकर ठौड़ां माथे तापमान मांय उतार-चढाव रे बीचे मौसम सामान्य बण्योड़ो है। सुवारं अर सिंज्यां री गुलाबी सर्दी रे साथै घणकर जिला मांय मौसम शुष्क है। बारां मांय आज सुवारं सूं बादळ छायड़ा है। पाली अर बालोतरा मांय दिनभर मांय बादळा री आवाजाही बण्योड़ी है।

भीलवाड़ा जिले मांय दुपहारां पाछे अचानक काले बादल छा गया अर ठण्डी हवा चालण लागी। सिराही मांय सुवारं अर सिंज्यां ठण्ड रो एहसास होणे सूं लोगां ने गर्म कपड़ा मांय देख्यो जा रह्यो है। इण बीचे मौसम मेहकमो आज सूं नुवां पश्चिमी विक्षोभ रे सक्रिय होणे री आस जतायी है। मौसम केन्द्र जयपुर रा निदेशक राधेश्याम शर्मा बतायो के इण तंत्र रे असर सूं उदयपुर अर कोटा संभाग मांय बिरखा री आस है।

.....

प्रदेश रा न्यारा-न्यारा पर्यटक स्थल आ दिनां सैलानियां सूं गुलजार निजर आ रह्या है। सलूमबर जिले री प्रसिद्ध जससमंद झील रे किनारे देशी-विदेशी सैलाणीयां रो आणो जारी है। सैलाणी नौकायन, फोटोग्राफी अर झील किनारे सूर्योदय-सूर्यास्त रो आनंद ले रह्या है। स्थानीय होटल, रिसॉर्ट अर भोजनालय मांय भीड़ बढ़ने सूं कारोबारियां रा चेहरा खिल्या है। वठिने पाली जिले रा रणकपुर जैन मन्दिर, खेतलाजी मन्दिर अर आशापुरा धाम मांय दिवाळी रे पाछे श्रिद्धालुआं री भारी भीड़ उमड़ री है। लारला तीन-चार दिनां मांय करीब 2 लाख श्रिद्धालू मिन्दरां रा दर्शन कर चुक्या है। वठिने सिराही जिले रा पर्वतीय पर्यटन स्थल माउंट आबू भी सैलाणियां सूं गुलजार है। और ब्यौरो म्हाणा खबरनवीस सूं-

.....

सूर्य अराधना रे महापर्व छठ रे दूजे दिन आज श्रिद्धालु निर्जला उपवास रख र अस्त होता सूरज ने अर्घ्य दियो। ई ने खरना रे नाम सूं जाणो जावे है। इण सूं पैल्या चार दिनां छठ पूजा काले नहाय—खाय रे साथै सरू व्ही है। राजधानी जयपुर समेत राज्य रा न्यारा—न्यारा जिलां मांय रहवण वाळां बिहार, झारखण्ड, उत्तरप्रदेश अर भोजपुर खेतर समेत पूर्वांचल रे लोगां मांय परब ने ले र खासो उच्छास देख्यो जा रह्यो है। विशेष उत्साह देखा जा रह्यो है। प्रदेशभर रा धार्मिक सरोवरां माथे श्रिद्धालुआं री खासो जमावाड़ो है। जयपुर रा गलता तीर्थ माथे सिंज्यां ने श्रिद्धालु अर्घ्य दियो। काले उगता सूरज ने अर्घ्य देणे सूं पर्व रो समापन व्हेला।

.....

कोलकाता रा प्रवासी राजस्थानियां सूं प्रभावी संवाद कायम करणे खातर मुख्यमंत्री भजनलाल शर्मा रे नेतृत्व मांय एक उच्चस्तरीय प्रतिनिधिमंडल मंगलवार ने कोलकाता जावेला। इण ने चालता मुख्यमंत्री री अध्यक्षता मांय **‘प्रवासी राजस्थानी मीट’** रो आयोजन कर्यो जावेला अर प्रवासी राजस्थानियां ने 10 दिसंबर ने जयपुर मांय राख्या जावण वाळां **‘प्रवासी राजस्थानी दिवस’** खातिर आमंत्रित भी कर्यो जावेला। प्रतिनिधि मण्डल प्रवासी राजस्थानियां, औद्योगिक समूहां, व्यवसायियां और उद्यमियां ने राज्य रे विकास मांय सक्रिय योगदान खातिर आमंत्रित करेला। इण रे चालता व्यावसायिक अर औद्योगिक समूहां रा प्रमुखां रे साथै **वन—टू—वन** बैठका भी राखी जावेला। 10 दिसंबर ने राख्या जावण वाळा **प्रवासी राजस्थानी दिवस** री तैयारियां री कड़ी मांय ओ तीजो कार्यक्रम है। इण सूं पैल्या हैदराबाद अर सूरत मांय आ मीट राखी जा चुकी है।

.....